

Die Zeitung

Sams;

Jedn ~~Sonndaach~~ isse fast e Buch
die Zeitung, da hat mer zu läse genuch!
Am Mondaach kommtse widder, net ganz so dick,
der Sonndaach bleit frei, des is e Glück.

Inserate läse ~~manche~~ Leut grundsätzli nie,
awer dadrin steckt doch die Psychologie.
Wer gestorwe is möcht mer ~~aber~~ jedn Daach wiß,
und die Leut wo des ham neisetz laß müß,
die wolle scheints irchndwas sichtbar nach:

Wenns een gäwe hat, en Trennungsschmerz,
den kann mer net ausdrück mit Druckerschwärz.
Awer ob eener reich war sei Läweadaach,
was Groß's odder bloß e "Klenner" is gewäse,
des is an der Anzeich leicht nachzumesse.
Und oft - so scheint mersch - is des doch so,
mer erfährt erscht nach den sein Tod was darvo.

Grad die klenne Anzeiche sin oft gar wichtich,
da sieht mer die Leut wor sich stehe, so richtig
mit ihre klenne odder aa grosse Sorche.
Jeder sucht was er brauch könnt für heut odder morche,
und sein Name dörf'r Verschweich dabei;
des kost't eweng Geld, des muß awer sei.

Der eene möcht en Kinnerwaache,
der annere will sei alts Auto verkäff,
da brauche se een zum Zeitungaustraache,
wer e Zimmer sucht, der kann si die Absatz schief läff.

E stramme Witwe sucht widder en-Mann,
sie lobt ihr Kochkunst und was se sonst alles kann.
Hat e Auto und e Haus,
sieht viel jünger aus!
E Rentner hat es Alleebleiwe satt,
wer wäB, was der sonst no für Weweli hat!
Fürn Casanova gits aa Neuichkeite,
Modeller aus Afrika sin sogar da
und weiße aa, mehr aus unsere Breite,
biete si jedn Daach haufeweis aa.

E Feulleton gits aa für ganz gscheite Leut;
da soll eener saach, er finnet nix heut!
En Läserbrief kanner schreib, wñnen was net paßt
und kommt si dann vor wie e Schriftsteller fast.
Is fürchterli stolz auf sei Geistes kraft,
schneid'ts aus und hebts auf für die Nachkommeschaft.

~~Kurzfassung: - ooooo -~~

~~Politik, Kultur und ewäBige Fantasie,
des g'hört zu der Zeitungsschreiwerei!
Wersch versteht, guckt aa gern in die Anzeiche nei,
die stecke gar oft voller Pikanterei!~~